

关于年的古诗39首

作者：有故事的人 来源：范文网 www.wtabcd.cn/fanwen/

本文原地址：<https://www.wtabcd.cn/zhishi/a/168520791519234.html>

范文网，为你加油喝彩！

查阅档案介绍信-恍然大悟的悟是什么意思



2023年5月28日发(作者：守株待兔作者)

关于年的39首古诗

1.《除夕》 清代·朱晓琴

一年今夕尽，爆竹又迎春。

把酒家家乐，桃符万象新。

2. 《元日》 宋代·王安石

爆竹声中一岁除，春风送暖入屠苏。

千门万户曈曈日，总把新桃换旧符。

3. 《除夜作》 唐代·高适

旅馆寒灯独不眠，客心何事转凄然。

故乡今夜思千里，霜鬓明朝又一年。

4. 《除夜雪》 宋代·陆游

北风吹雪四更初，嘉瑞天教及岁除。

半盏屠苏犹未举，灯前小草写桃符。

5. 《除夕》 清代·荣凤藻

饮罢屠苏倦欲眠，桃符新换记从前。

声声爆竹惊人梦，怎说明朝又一年。

6. 《元旦词》 明代·李之世

薰风袅袅度屠苏，争道新年景物殊。

莫怪荜门贫似旧，竹窗糊纸换桃符。

7. 《始年四十二首》 宋代·洪刍

门换桃符官落拓，酒传婪尾岁侵寻。

朱颜已逐年华改，只有胸中不动心。

8.《新年作》 唐代·刘长卿

乡心新岁切，天畔独潸然。

老至居人下，春归在客先。

岭猿同旦暮，江柳共风烟。

已似长沙傅，从今又几年。

9.《除夜有怀》 唐代·崔涂

迢递三巴路，羁危万里身。

乱山残雪夜，孤烛异乡人。

渐与骨肉远，转于僮仆亲。

那堪正漂泊，明日岁华新。

10.《田家元日》 唐代·孟浩然

昨夜斗回北，今朝岁起东。

我年已强仕，无禄尚忧农。

桑野就耕父，荷锄随牧童。

田家占气候，共说此年丰。

11.《客中除夕》 明代·袁凯

今夕为何夕，他乡说故乡。

看人儿女大，为客岁年长。

戎马无休歇，关山正渺茫。

一杯椒叶酒，未敌泪千行。

12.《玉楼春·己卯岁元旦》 宋代·毛滂

一年滴尽莲花漏。碧井酴酥沈冻酒。

晓寒料峭尚欺人，春态苗条先到柳。

佳人重劝千长寿。柏叶椒花芬翠袖。

醉乡深处少相知，只与东君偏故旧。

13.《守岁》 宋代·苏轼

欲知垂尽岁，有似赴壑蛇。

修鳞半已没，去意谁能遮。

况欲系其尾，虽勤知奈何。

儿童强不睡，相守夜讙讙。

晨鸡且勿唱，更鼓畏添挝。

坐久灯烬落，起看北斗斜。

明年岂无年，心事恐蹉跎。

努力尽今夕，少年犹可夸。

14.《岁除夜会乐城张少府宅》唐代·孟浩然

畴昔通家好，相知无间然。

续明催画烛，守岁接长筵。

旧曲梅花唱，新正柏酒传。

客行随处乐，不见度年年。

15.《元日》 唐代·李世民

高轩暖春色，邃阁媚朝光。

彤庭飞彩旆，翠幌曜明珰。

恭己临四极，垂衣驭八荒。

霜戟列丹陛，丝竹韵长廊。

穆矣熏风茂，康哉帝道昌。

继文遵后轨，循古鉴前王。

草秀故春色，梅艳昔年妆。

巨川思欲济，终以寄舟航。

16.《桂州腊夜》 唐代·戎昱

坐到三更尽，归仍万里赊。

雪声偏傍竹，寒梦不离家。

晓角分残漏，孤灯落碎花。

二年随骠骑，辛苦向天涯。

17.《除夜宿石头驿》 唐代·戴叔伦

旅馆谁相问，寒灯独可亲。

一年将尽夜，万里未归人。

寥落悲前事，支离笑此身。

愁颜与衰鬓，明日又逢春。

18. 《岁夜咏怀》 唐代·刘禹锡

弥年不得意，新岁又如何。

念昔同游者，而今有几多。

以闲为自在，将寿补蹉跎。

春色无情故，幽居亦见过。

19. 《除夕与家人饮》 宋代·梅尧臣

莫嫌寒漏尽，春色来应早。

风开玉砌梅，薰歇金炉草。

稚齿喜成人，白头嗟更老。

年华个里催，清镜宁长好。

20. 《岁除》 宋代·虞俦

除日催人不奈频，那堪月小不圆匀。

谁能椒颂花如锦，自写桃符笔有神。

通夕留连分岁客，明朝多少贺年人。

寿觞举处慈颜喜，却是萱堂剩得春。

21. 《馈岁》 宋代·苏轼

农功各已收，岁事得相佐。

为欢恐无及，假物不论货。

山川随出产，贫富称小大。
寘盘巨鲤横，发笼双兔卧。
富人事华靡，彩绣光翻座。
贫者愧不能，微挚出春磨。
官居故人少，里巷佳节过。
亦欲举乡风，独唱无人和。

22.《别岁》 宋代·苏轼

故人适千里，临别尚迟迟。
人行犹可复，岁行那可追。
问岁安所之，远在天一涯。
已逐东流水，赴海归无时。
东邻酒初熟，西舍彘亦肥。
且为一日欢，慰此穷年悲。
勿嗟旧岁别，行与新岁辞。
去去勿回顾，还君老与衰。

23.《小除日大雨雪》 明代·邓云霄

谁散天花乱打窗，高斋风味宛禅房。
问君诗骨清如许，扫雪烹茶坐竹床。

24.《岁除日即事》 明代·王彦泓

浮尘扰扰一身闲，独看城南雪后山。

却笑孤鸿也辛苦，晓云飞出暮云还。

25.《除日试笔》 元代·刘鹗

桃红酣雨更精神，久客俄惊节序新。

好是一年将尽夜，喜看万物又回春。

元正纪朔还逢甲，穀日祈丰复得辛。

泰运昭回消劫运，峤南同作太平民。

26.《除日》 宋代·苏辙

年年最后饮屠酥，不觉年来七十馀。

十二春秋新罢讲，五千道德适亲书。

木经霜雪根无蠹，船出风波载本虚。

自怪多年客箕颍，每因吾党赋归欤。

27.《除日》 唐代·韦应物

思怀耿如昨，季月已云暮。

忽惊年复新，独恨人成故。

冰池始泮绿，梅援还飘素。

淑景方转延，朝朝自难度。

28.《除日》 宋代·朱淑真

爆竹声中腊已残，酴酥酒暖烛花寒。

朦胧晓色笼春色，便觉春光不一般。

29.《除夜》 宋代·方岳

年华三百六十日，尘劳八万四千门。

高眠茅屋人亦老，相对梅花灯欲昏。

静中颇窥造物意，极处是为天地根。

生菜春盘一杯酒，明朝花柳又村村。

30.《除夜》 明代·孙蕡

大地白雪似白沙，游子况复未归家。

寒云黯淡暗海曲，春风浩荡来天涯。

楚山卢橘渐舒叶，故园枇杷应着花。

未得乘船出江口，枯坐旅邸如春蛙。

31.《除夜》 宋代·朱淑真

穷冬欲去尚徘徊，独坐频斟守岁杯。

一夜腊寒随漏尽，十分春色破朝来。

桃符自写新翻句，玉律谁吹定等灰。

且是作诗人未老，换年添岁莫相催。

32.《除夕》 明代·苏葵

坐看童子放花筒，又是乾坤一岁终。

缓酌壶觞延夜雨，大开门户领春风。

百年分在忘他老，四品官清送甚穷。

闲染彩毫题短咏，烛花光射砚池红。

33.《元旦新春试笔》 明代·蓝智

西山积雪未全消，又送东风上柳条。

凤历颁春元正日，鸡筹报晓大明朝。

近闻泰畤仍遵汉，远忆华封只颂尧。

柏酒一杯谁共醉，弟兄相对老渔樵。

34.《元日》 明代·沈周

今日之日一年始，三百六十年之终。

云物昭回天杲杲，风光澹荡气融融。

商量柳色绿少许，烂漫梅花白大同。

无事此杯椒柏酒，老夫不觉笑颜红。

35.《共内人夜坐守岁》 南北朝·徐君倩

欢多情未极，赏至莫停杯。

酒中喜桃子，粽里觅杨梅。

帘开风入帐，烛尽炭成灰。

勿疑鬢钗重，为待晓光催。

36.《元日述怀》 唐代·卢照邻

筮仕无中秩，归耕有外臣。

人歌小岁酒，花舞大唐春。

草色迷三径，风光动四邻。

愿得长如此，年年物候新。

37.《丁亥除夕》 明代·黄佐

旅馆频年过岁除，莱衣今夕乐何如。

摇摇蜡炬轻风里，浅浅霞杯细雨馀。

江海只便鱼入馔，烟霞惟恐鹤传书。

等闲又被梅花恼，漏泄春光满敝庐。

38.《元日》 宋代·辛弃疾

老病忘时节，空斋晓尚眠。

儿童唤翁起，今日是新年。

39.《后乐堂家宴守岁》 明代·陆深

歌管声喧饯岁除，大江东下抱闲居。

夜筵椒酒元随量，春帖桃符手自书。

老去何妨髻鹤发，归来犹及饌鲈鱼。

十年万里风和雨，此夕团圞画不如。

生日诗词名句-告别革命



更多 在线阅览 请访问 https://www.wtabcd.cn/zhishi/list/91_0.html

文章生成doc功能，由[范文网](#)开发